

استدینا

نومرو ۱۳

بچنبه

۴ کانون اول ۱۳۲۴

استدینا

نومرو ۱۲

بجانب

۲۷ تشرین ثانی ۱۳۲۴

مطلق قلمسی ارزو ایدیلیر .

۶۰ ، ۶۱ و ۶۲ نجی ماده لر تأمینات کافیه یی جامع دکلردر . ممالک ساررده اولدینی کبی هیئت اعیان اعضاسنک کافیه سی یاخود شمیدیک هیچ اولمازسه نصفی مبعوثلر منلو ملت طرفندن اختیار وانتخاب اولتالیدر . بو بایده اصول انتخابیه وضی مجلس ملینک ایلک وظیفه لرندن اولمق لازم کلیر . اعیانده مبعوثلردن بشقه و فضله اوصافی آرانه جفتندن هیئت مبعوثان و هیئت اعیان احد جهتی بی لزوم عد ایتدیره جک ماهیت واحده ده اوله میه جقلرندن انتخاب ملینک بالعموم هیئت اعیان اعضاسنه تشعیلی غیر مصیب ویا بی فایده اوله ماز . ۶۱ نجی ماده ده : «هیئت اعیانه اعضا تعیین اولنه بیلیمک ایچون آثار و افعالی عمومک وثوق و اعتمادینه شایان ...» وصفلری موجوددر . المزده کی قانون اساسی یه نظراً بو اوصافک نبوتی مجهول ویا ملتجه خلافی ثابت بولمق حالنده متخبرک اعیانلقسدن اوزاقلادیرلمسی دشوارددر . هله ۶۱ نجی ماده نك صایدینی مناصب عالییه اصحابندن هیئت اعیانه کیرمکه لابق اولانلری سچمک وبولمق فی یومنا ده ا زیاده مشکلدیر . اوتوز ایکی ییلی قارارتان اداره مستبده اولیه مقامات رفیعیه اشخاص سفلیه بی اوطورتور ، برچینلردی .

تکرار آجق اوزره بحثی بو هفته شوراده کسورم . قانون اساسیمزک محتاج ایضاح واکمال اولدیغنه دأر سوزلر ، مثاللر ده واردر .

ابن الضیا

احمد رشید

اجانبک ممالک عثمانیه ده تصرف املاکنه دأر قرارنامه نك برفقره

مختلف فیهای حقنده مطالعه نامه

اون ایکنجی نسخه دن مایعد :

مسئله کرک حقوق دولیه و کرک دولت علیه نك قوانین داخلیه سی و مناسبات دولیه سی نقطه نظرندن حائر اهمیت اولمغله مدت عمرینک قسم

اعظمی خدمت دولت علیه ده کچر مش و بولندی بی مأموریتلر مناسبه خستب الوظیفه بو کبی مسائل مهمه قانونیه و سیاسیه نك عهود و قوانینه و خصوصیه منافع سلطنت سنییه موافق صورتده حلی حقننده اعطای رأی ایچون طول مدت اتعاب ذهن ایتمش اولان بر خادم قدیم دولت ولو که بو کون وظیفه خارجنده اولسون بو مسئله حقننده کی مستحضر اتنك عرضی مترتب ذمت بیلمله بسط مطالعات قاصرانه به مبادرت ایلمشدر بالاده بیان اولندی بی اوزره بوبابده چوقدنبرو اکثریتله اتخاذ اولتمش برقرار موجود اولدیغندن شمدی مسئله مختلف فیها حقننده رأی و یرمك قرار مذکورك محاکمه سندن عبارت اوله جقدر بناء علیه اولوجهله تدقیق مسئله به کریشیلور .

اکثریت رأینك مستند اولدی بی اوج سببک برنجیسی کویا الیوم اختلاف دار حکمنده اولان اختلاف تابعیت مانع ارث اولدی بی بیانندن عبارتدر . حالبو که اختلاف دار ایله اختلاف تابعیت تعبیرلری قطعياً بر معناده دکلدر . اختلاف دار ترکیبی خصوصت معناسی دخی متضمندر . یعنی ایکی کیمسه نك بشقه بشقه دولتره مذسوب اولملری معناسندن ماعدا برده او دولترلره تبعه لری نك بربرینه خضم اولدیغنی افاده ایدر اختلاف تابعیت ترکیبی ایسه الیوم اساساً خصوصت معناسی متضمن اولیوب یالککز صورت عارضه ده و بر دولته تابع اولان افرادک بر مقدار محدودی حقننده اومعنائی ده افاده ایده بیلور . زیرا بالاده تفسیر و ایضاح اولندی بی اوزره اوروپا دولترلی آرمسند کی مناسبانجه حال صلح اصل و حال حرب خلاف اصل طانلیدی آدنبرو ایکی دولت آرمسند اعلان حرب اولمدر بجه نه کندولری و نه ده تبعه لری خضم عد اولنه مازلر حتی چوقدنبرو دولتر بجه عموماً اتخاذ اوانان قاعده به نظراً ایکی دولت آرمسند بو کون اعلان حرب ایدلسه بیله بو حال یالککز کندولرینه و مأمورلریله عسکرلرینه و برده سائر تبعه لرندن یالککز بالفعل محاربه به اشتراك ایدنبره سیرایت ایدوب یوخسه ایشلری ایله مشغول اوله رق محاربه به اصلاً قارشمیالره و حتی بونلرک قره ده کی اموال منقوله و غیر منقوله لری نه و اکثر احوالده دکرده کی مالارینه دخی تأثیر ایتمز

بناءً عليه نه شخصلری خصم و نه ده ماللری خصم مالی عد اولتاز یعنی کندولریده ماللریده هر حالده تعرضدن مصون اولورلر و مصالحه نك عقدی آسندن اعتباراً ایکی محارب دولت و محاربه یه قاریشان تبعه لری حال اصللرینه عودت ایدرهك معاملات حربه کریشعیان تبعه کی ینه دائمی دوست اولورلر اوروپا هیئت دولیه سنجه خصومت و ووموالات دولیه حقنده دستورالعمل نظریات سیاسیه و احکام عهدیه بوکون شو مرکزده ایکن اختلاف دار ایله اختلاف تابعیت تعبیرلری بربرینه مساوی الفاظ مترادفدن بالطبع عد اولنه مر . اختلاف دار ایله اختلاف تابعیت بر اولدینی اکلاشیله و اجزای متممه سندن بولندیغمز اوروپا هیئت دولیه و سیاسیه سنجه و مؤخرأ امریقا و آسیاده و کره ارضك قطعات ساره سنده بولنان اك متمدن دولتلرك دخی بو هیئته داخل اولدیغنه نظراً دها طوغریبی عموم دنیاچه دستورالعمل طوالمقده اولان قواعد اساسیه مشروحیه قارشو الیوم بشقه کونه مطالعات و نظریاتك ترویجی ممکن اوله میوب بوراسنی اختلاف دار تعبیرینك یرینه اختلاف تابعیت تعبیرینی استعمال ایتك ایستیانلرك دخی اقرار و تصدیق ایده جکلری شبه سزدر . اختلاف تابعیتك اختلاف دار حکمنده اولدیغینك تسلیمیه برابر ینه شونك حد دآسنده مانع ارث بر حال اولمق لازم کلدیکی مطالعه ملحوظه سنه کلنجه واقعا اوروپاده حال حربك اصل عد اولندیقی زمانلرده حال بو مرکزده ایدیه ده صلح اصل طانلقد نصکره عموماً عکس قاعده اتخاذ اولنش و ذکرى سبق ایتدیکی اوزره الیوم هرملککنده تبعه عنایه مستثنا اولماق اوزره بالجمله اجنبیلر هر زرده اولورسه اولسون وهانکی دولت تبعه سندن بولنورسه بولنسون بر قانونك صراحتنه مستند بر مانعه موجود اولدینی تقدیرده اموال منقوله و غیر منقولیه وارث اولورلر .

اکثریت رأینك مستند اولدینی اسبابك ایکنجیسی اراضی قانوننك یوز اونجی ماده سنك بخش ایتدیکی ممنوعیتدن و اوچنجیسی دخی اشبو ماده قانونیه نك استملاك قانون نامه سنك حکمیه لغو اولتیوب حالاباقی اولدیغلك بیاسندن عبارتدر .

اراضی قانونی دولت علیه‌نک اوروپا هیئت دولیسه داخل اولدینی و بناءً علیه مناسبات دولیه‌جه هنوز قواعد جدیدینی تمامیه قبول بیورمیش اولدینی برزمنده تنظیم ایدلیدی جهتله بویه برمنوعیتی متضمن اولسی طبعی ایدی لکن هیئت مذکوره‌یه داخل اولدقدن صکره استملاک املاک خصوصنده دول سائرجه جاری اولان قواعدک کندنجده قبولی ایجاب ایتیش و ایشته شوسیه‌مینی ۱۲۸۴ تاریخنده اجابنک ممالک محروسه شاهانه‌ده استملاک املاک ایتیمی حقنده‌کی قرارنامه‌ینی نشر بیورمیشدر .

تقریباً برعصردن برو اوروپا دولترینک قوانین حقوقیه‌سنجه اجرا اولمقده اولان تعدیلان و توحیدانک و بونلری ایجاب ایتدیرن اسبابک تدقیقه مشغول و متوغل اولنلر عندنده خفی اولدینی اوزره بویولده برقرارنامه‌نک نشری استملاک و تصرف املاکجه اجانب حقنده جاری اولان اصولک اساساً و جداً تعدیلی مقصیده مستند اولسی لازم کلوب بناءً علیه قرارنامه مبحوث‌عنه‌ایله اراضی قانوننک ماده مذکوره‌سی تعدیل اولنیش اولدینی بدیهی اولمقده بویولده بشقه دلیل و اثباتک آرانسنه لزوم یوقدر مع‌افییه ماده مشروحه‌نک قرارنامه مذکور ایله فیسخ اولمقده اثبات ایچون اکثریتک درمیان ایتدیکی دلائلک قانوناً و سیاسه طوغری اولمقده ذره قدر ترده محل قلاماق اوزره بوجه آتی بعض ایضاحات و مطالعاتک سردینه ابستار اولنور شویله‌که :

معلوم اولدینی اوزره اموال منقوله و غیر منقوله‌نک اسباب و صورتملکی متعددر برماله برکیمسه شراء مالک اوله‌بیلدیکی کبی مبادله و هبه وارث طریقله و صور اخیری ایله دخی صاحب اوله‌بیلور. و برکیمسه برمالک تملکنه صورت مطلقده مأذون قلندینی تقدیرده بالطبع صور مذکوره‌نک جمله‌سی مأذونیته داخل اولور ایددی قرارنامه‌نک احکام صریحه‌سنه نظراً تبعه اجنبیه‌یه تبعه عثمانیه مثللو و بلاقید و شرط استملاک و تصرف حق و برلکدنصکره اسباب تملکک برینی استثنایه نشبت طوغری اوله‌مز و افعا ارثامالک اولقی ارثه صلاحیته متوققدره لکن بوکون آنفاً بیان و ایضاح اولدینی اوزره تبعه اجنبیه ایچوننه قانوناً ونده

سیاسة ارثه بر مانع یوقدر اختلاف تابعیتی مانع ارث عدایدن بر ماده قانونیه . وجود اولمقدن ماعدا بالعکس بونک عکسی اثبات ایدن ماده قانونیه واردر . اجابنک حق استمالکی قانوننک برنجی ماده سنده استئنا اولنان اشخاصک املاک و اراضیسنه مخصوص ۲۱ شباط ۱۲۹۸ تاریخنده نشر بیوریلان قانونک ایکنجی ماده سنده دولت علیه دن مأذونیت رسمیه استحصال ایتکمکترین تبدیل تابعیت ایدوبده طرف دولت علیه دن تابعیتی اسقاط اولنان اشخاصک ممالک عثمانیه ده استمالک و توارث حقندن محروم اولدقلری صراحة بیان اولنیور . اگر اختلاف تابعیت حد ذاتنده مانع ارث اواسه ایدی بوماده قانونیه نک اصلا لزومی اولمزدی و برده بوماده نک مفهوم مخالفندن شوراسی دخی اکلاشیلدیور که دولت علیه دن مأذونیت استحصالیه تبدیل تابعیت ایدنلر وحتی مأذونیت استحصال ایتکمکترین تابعیت اجنبیه نی قبول ایدوبده طرف دولت علیه دن تابعیت عثمانیه سی اسقاط اولنیانلر بیله حق توارثدن محروم اولمزلر .

الحاصل هر مملکتده اولدینی کبی ممالک محروسه شاهانده دخی اختلاف تابعیت مانع ارث دکدر . ذاتاً مانع ارث عد اولنسه دخی الیوم تبعه اجنبیه ایله تزوج ایدن عثمانلی قادینلرینه قانوناً تبدیل تابعیت ایتمش نظریله باقلدینی برزمانده بو ممنوعیتک قانوناً و سیاسة اهمیتی یوقدر . چونکه اجنبی ایله متزوج عثمانلی قادینلرله اجنبیدن متولد اولدلری آره سنده اختلاف تابعیت قلاماشدر .

برنجی لاحقه

اکثریتک رأینده اراضی قانوننده کی ممنوعیتک کویا اسباب حکمیه سی دخی کوسترملک و بونک ابقاسی حکمت حکومتیه و منافع سیاسیه دولته موافقی ایما ایدملک اوزره اشبو ممنوعیتک رابطه تابعیتک محافظه سی مقصدینه مستند اولدینی بیان اولنیور سده وراثندن ممنوعیت رابطه تابعیتک نه صورتله محافظه سنده خدمت ایتدیکی ایضاح اولنیور بر اجنبی ایله تزوج ایتمکه برابر تابعیت اصلیه سی محافظه ایتدیکی فرض اولنان برعثمانلی قادینک ذاتاً تبعه اجنبیه دن بولنان و بناء علیه دولت علیه

رابطه تابعیتی اولیان اولادینک کندو وراثتندن محروم ایدلمسیله طبیعی دولت علیه ایله برکونا رابطه لری محافظه اولنش اولماز اکر والده لرینک میراندن محروم قالماق ایچون تابعیت عثمانیه یی قبوله مجبور اولورلر دینه جک اولورسه بونده مقصودعنه محافظه رابطه موجوده دکل بلکه پیدای رابطه جدیده اولورکه بر حکم قانونینک بویه بر امل ضعیفه و بر امید بمیده بنا ایدلمسی طوغری اولیه جفی بیانندن مستغیدر معافیله اکثریتک مطالعه سی حد ذاتنده طوغری اولوب یالکز محل تطبیق یا کلدشدر فی الحقیقه میراندن ممنوعیت و محرومیت رابطه تابعیتک محافظه سته خادم اوله ییلور. لکن بویه طبیعی الخصوص اولان و یاخود اختیار آخرله حاصل بولنان قرابتدن ایلروکلن اختلاف تابعیتده دکل بلکه بر کیمسه نک کندی اختیاریه و دولت علیه نک رضاسی خلافتده اوله رق واقع اوله جق تبدیل تابعیتده اولورکه دولت بوراسنی وقتیه دوشونه رک ذکر ی سیق ایدن ۱۲۹۸ تاریخی قانونی نشر بیورمشدر. بناء علیه ماده مبحوث عنهانک اسباب موجب سی اولق اوزره درمیان اولنسان ملاحظه بشقه بر ماده قانونیه نک علت انشایه سی اوله ییلورکه مؤخرأ اولمشدر.

ایکنجی لاقه

مسئله نک مطالعات قانونیه و نظریات سیاسیه سی بو مرکزده اولوب آنجق بونلره اصلاً تعلقی اولمیان و صرف منفعت مادییه عائد بولنان بر جهتی ده بولندیقندن آنک حقنده دخی براییکی سوز سویلمک ازم کوریلور معلوم اولدینی اوزره انتقالی توسیع اولنماش مسققات و مستغلات موقوفه یالکز اولاده انتقال ایدوب اولاد بولمیدینی و یاخود بولنوبده بر سببه مبنی حق انتقالدن محروم اولدینی تقدیرده املاک محلول اولور بوکا مبنی خارجدن بولنان کیمسه لر دولت علیه نک قوانین مؤسسه سی و تعهدات دولیه و سیاسیه سی اصلاً پیش نظر اهمیت المفسرین اکثریتک رأی وقفه نافعدردیه تصویب ایدرلر حالبوکه هرکس ییلورکه تبعه دن غیر مسلملرک همان جمله سی و مسلملرک دخی بر خیللیسی ملکاری محلوله

كیده جكنی حس ایتدكرنده قبل الوفاة سائر اقرارلری عهده سنه كچیرمك چاره سنی
آرارلر و بولورلر تبعه اجنبیه ایله متزوج عثمانلی قادینلرك اطرافلرنده بولسان
کیمسه لرك دلاتیله بوکبی صنیعه لری سائرندن اعلا بیلعلری لازم کلدیکنه
و بیلدکلیسه ده شبه اولدیغنه مبنی بوکون تابعیت عثمانیه لری صورت قطعیه ده
تحت قراره آنمغله برابر اختلاف تابعیت ماده سی دخی مانع ارث طانلسه ده
اولادلری حق انتقالدن قطعاً محروم عد اولنسلر بیله ایلروده بوکبی قادینلردن
نه مقدار املاک موقوفه محلول اوله جنی ملاحظات مسروده نك پیش نظره
طوتلمسیله و اجانبك استملاك املاك حقنده کی قانونك موقع اجراده بولندینی
قرق سنه دن ودها طوغریسی تبعه اجنبیه نك تبعه عثمانیه دن اولان قادینلره
تزوج ایدوبده کندو پاره لیه صانون آدقلى املاکی مواضعه زوجهری نامه
کچیرمکه باشلادقلى زمان بعیددنبرو شمعی یه قدر بوکبی قادینلردن محلول
قالمش اولان مسقفات و مستغلات موقوفه عدینك میدانه قولنلمسیله قیاس
اوله بیلور [۸].

مع مافیه تبعه اجنبیه نك استملاك املاك ایتلمی حقنده کی قرارنامه نك وضع
و نشری یالکیز بو اثر ناچیزی بنا ایتدیكمز نظریات سیاسیة و قانونیه دن ایلرو
کلیوب بلکه دولتجه چوقدنبرو کوریلان و بر قاج صورتله مضر بولسان بر حالک
اصلاحی مقصدینه مستند بولنمشدر قرارنامه مذکورک سرلوحه سی دقت ایله
مطالعه اولندینی تقدیرده اکلاشیلدورکه تبعه اجنبیه کندولرینه حق تصرفی
بخش ایدن قرارنامه نك نشرندن اول دخی املاک اشترا ایدوب امینتلى اولدینی
تبعه عثمانیه دن بری و خصوصیه زوجهری نامه مواضعه کچیرمکه اولدقلىلردن
وفات وقوعنده پك چوق دفعه علاقه دارلر آره سنده بیتمز توکنمز دعوالر
تکون ایدردی . ایشه سرلوحه مذکورده قرارنامه نك تنظیم و نشری « تبعه

[۸] قرارنامه نك دردنجی ماده سیله بر کیمسینی وفات ایدنجه یه قدر بسله مک
شرطی ایله واقع اولان فراغله دائر بولسان قرار معلوم بوکبی صنیعه لره مدارکلی
اوله بیله جکی جزئی ملاحظه ایله نمایان اولور.

اجنبیه‌نک متصرف اولملری ماده‌سندن طولانی حاصل اولان مشکلات و سوء استعمالات و هر درلو شهادت بر طرف اوله‌رق بو ماده معتابه‌نک دخی بر حسن ضابطه و نظام آتته آنسیله امنیت مالیه و ملکیه قضیه ملتزمه‌سی اکیال اولنق « مقصدینه مستنددر دیمه‌سی باشلوجه شو دعوالردن و صدای داعی احوالدن کنایه‌در . شمعی بعضی اجنبی اولادلرک والدله‌لرینک و بعضی اجنبی زوجلرک زوجه‌لرینک وراثتندن محرومیتلرینه صورت قطعیده قرار و یرمک قرق الی سنه اول دولنجه محاذیری کورولوبده بونلرک بر طرف ایدلمی چاره‌سی آرانیلان « مشکلات و سوء استعمالات و هر درلو شهادت » ادامه‌سنه قرار و یرمک دیمک اولزمی ؟

اسبق سیسام بکی

یانتقو ویطنوس

سیاست و اخلاق

(ماکیاوئل) ، ایلک دفعه سیاسی اخلاقدن تفریق ایتمش و دولت آدمی *homme d'état* ایچون یکانه غایه فکر وامل « موفقیّت » دن عبارت اولدیغنی کوسترمشدر . اونک فکرینه نظر آهره‌انکی بر مسئله سیاسیده توسل ایدیله‌جک تدابیر و وسائطک - نتیجه‌ده مؤثر و شافی اولق شرطیله - منافی اخلاق اولمسنده هیچ برأس یوقدر . بالعکس ، علویت روح بر ضررمادی بی مؤدی ایسه عادتاً بر جرم عد اولونور . بر حکمدار ویا اهل سیاست ایچون معاملات سیاسی‌ده فضیلت جملیه ، فضیلت حقیقیه‌دن ده‌ا مفید و بناءً علیه مرجح کوریلور ، ایشته هیچ بر قید اخلاقیه تابع اولمایان شو سیاست مدبره و نفعیه ماکیاوئلک نایمه نسبتله یعنی (ماشیاوئلزم) دیه یاد اولنقدده‌در .

بیوک فره‌دریق ، ولی عهدلکنده (آتی ماکیاوئل) عنوانی اثریله بو طرز سیاسی تنقید ایتمش ایدی . قرال اولونجه اوده سیاسی اخلاقدن تفریق ایتدی و سلامت و منفعت عامه‌بی دستور حرکت اتخاذا یله‌دی . لیکن اخلاق ایله سیاستک